



LE GOUVERNEMENT
DU GRAND-DUCHÉ DE LUXEMBOURG
Ministère du Travail, de l'Emploi et
de l'Économie sociale et solidaire

**Äntwert vum Här Minister fir Aarbecht, Beschäftegung a fir Sozial- a Solidarwirtschaft
Georges Engel, op d 'parlamentaresch Fro n° 5866 vum 03/03/2022 vum honorabelen
Deputéierten Sven Clement zum Sujet "Projet Digital Skills"**

1. Wéi vill Persounen hu Gebrauch vun dësem Bong gemaach ?


D'Zil vum Bong war et, fir all Salarié dee vun der Kuerzaarbecht betraff war, am Laf vum Joer 2021 Zougang zu enger digitaler Formatioun ze erméiglechen. Ofhängeg vu sengen digitale Kenntnisser, konnt den Employé tëscht enger Basis- oder enger op sengem Wëssen opbauender Formatioun wielen, dëst mam Zil fir dem Mataarbechter den digitalen Iwwergang méi no ze bréngen. Cibléiert vum Projet war all Salarié deen tëscht dem 1. Januar an dem 31. Mäerz 2021 a Kuerzaarbecht war. Den Zuele vun der ADEM no, waren 30.530 Persoune berechtigt fir Gebrauch vun engem Bong ze maachen. All Eenzele krut e personaliséierte Bréif mat engem OTP Code (One-Time Password) fir hire Bong ze aktivéieren. 546 Persounen hunn sech iwwert dëse Wee fir eng Formatioun ugemellt.

2. Laut PRR si Persounen, déi matgemaach hunn, och no hire sozio ekonomesche Krittere gefrot ginn, ewéi hiren Alter, Wunnuert, Aarbechtssecteur a Salaire. Kann de Ministère d'Resultater vun dësem Questionnaire virleeën ? Wat fir Konklusiounen zitt de Minister aus dem Profil, deen sech bei dësem Questionnaire erginn huet?

D'Informatiounen, déi erhuewe goufen, sinn d'Zivilitéit, d'Nationalitéit, den Alter, de Bildungsniveau an den Aktivitéitssecteur. Bedéngt duerch déi limitéiert Unzuel vun de Participanten, ass den Echantillon allerdéngs ze kleng fir aussokräfteg Conclusiounen fir déi jeeweileg Kategorien ze zéien.

a) Zivilitéit

Mat 53% si knapp iwwer d'Halschecht vun de Salariéen, déi un dëser Sensibiliséierungsaktioun deelgeholl hunn, Fraen.




b) Nationalitéit

Den héchste Participatiounstaux hunn d'Salariéen aus den Nopeschlänner, spréich Frankräich, der Belsch an Däitschland. Dëst ënnersträicht den international- a multikulturelle Charakter vum lëtzebuurger Aarbechtsmaart.

Nationalitéit	Salariéen, déi sech an eng Formatioun ageschriwwen hunn (absolut Wäerter)	Salariéen, déi sech an eng Formatioun ageschriwwen hunn (Prozenter)
Däitsch	42	7,69%
Belsch	55	10,07%
Franséisch	161	29,49%
Lëtzebuergesch	106	19,41%
Aner EU Länner	115	21,06%
Europa (ausserhalb vun der EU)	13	2,38%
Afrika	15	2,75%
Amerika	12	2,20%
Asien	27	4,95%
Total	546	100,00%

c) Alter vun de Participanten

D'Majoritéit, déi um Projet deelgeholl huet, spigelt mat 53,3% d'Alterstranche tëschent 20 a 39 Joer zeréck.



d) Bildungsniveau

Mat 39,2% waren et virun allem déi héichqualifizéiert Salariéen (Doktorat, Master, Bachelor) déi vum Projet profitéiert hunn, duerno d'Kategorie vun den Niddregqualifizéierten.

Bildungsniveau	Salariéen, déi sech an eng Formatioun ageschriwwen hunn (absolut Wäerter)	Salariéen, déi sech an eng Formatioun ageschriwwen hunn (Prozenter)
Master (Bac+5)	121	22.16%
Diplôme de fin d'études secondaires classiques (Bac) ou Diplôme de fin d'études secondaires générales (Bac)	113	20.70%
Bachelor (Bac+3)	88	16.12%
Sans qualification	60	10.99%
Diplôme d'aptitude professionnelle (DAP)	47	8.61%
Brevet de technicien supérieur (Bac+2/+3)	43	7.88%
Certificat de capacité professionnelle (CCP)	24	4.40%
Diplôme de technicien (DT)	24	4.40%
Brevet de maîtrise	17	3.11%
Diplôme d'éducateur (14e)	4	0.73%
Doctorat	5	0.92%
Total	546	100.00%

e) Aktivitéitssecteur

Mat bal 25% huet den HORESCA-Secteur am meeschte vum Dispositif „Digital Skills“ gebrauch gemaach.

Aktivitéitssecteur	Salariéen, déi sech an eng Formatioun ageschriwwen hunn (absolut Wäerter)	Salariéen, déi sech an eng Formatioun ageschriwwen hunn (Prozenter)
Hébergement et restauration	136	24.91%
Autres activités de services	85	15.57%
Non déterminé	62	11.36%
Information et communication	56	10.26%
Industrie manufacturière	45	8.24%
Commerce, réparation d'automobiles et de motocycles	32	5.86%
Activités spécialisées, scientifiques et techniques	29	5.31%
Transports et entreposage	24	4.40%
Activités de services administratifs et de soutien	15	2.75%
Santé humaine et action sociale	14	2.56%
Activités financières et d'assurance	12	2.20%
Arts, spectacles et activités récréatives	12	2.20%
Autres	24	4.40%
Total	546	100.00%

3. Wat fir compétences numériques de bases hunn d'Persounen, déi vun dëser Offer profitiert hunn, sech ugëent? Wat war hëi déi Kompetenz, déi un déi meeschte Persounen vermëttelt gouf?


Dëst si Basiskompetenzen, déi nom Referenzkader vum Conseil vun der europäescher Unioun definéiert sinn: Informatioun, Kommunikatioun, Inhaltkreatioun, Sécherheet a Problemléisung.

Sämtlech e-learning-Formatiounen goufen vun agreéierten Instituter, déi vum Educatiounsministère als solch guttgeheescht gi sinn, ugebueden.

Bedéngt duerch de Formatounstyp ‚e-learning‘, war et dem Salarié méiglech op Distanz un der gewielter Formatoun Deel ze huelen.

D'Formatiounen missten op mannst eng vun de folgenden thematesche Kategorien ofdecken:

- Informatioun: Informatiounen sichen, regroupéieren, anuerdnen, analyséieren a klassifizéieren;
- Kommunikatioun: Benotzung vun elektronische Kommunikatiounskanäl, Deele vun Informatiounen an Inhalter, Zesummenaarbecht duerch digital Outilen, Vereinfachung vun Interaktiounen mat anere Benotzergruppen oder Fuerderung vun interkultureller Sensibilitéit;
- Inhaltkreatioun: digital Inhalter erstellen an ëmänneren (Texter, Illustratiounen, Fotoen, Videoen, asw.);
- Sécherheet: Privatsphär, Donnéeën an Identitéit schützen, Sécherheitsmoossnamen ëmsetze fir e securiséiert IT-Ëmfeld ze kreéieren;
- Problemléisung: digital Outilen effizient a kreativ benotze fir Problemer ze léisen.



4. Wat war de schlussendleche Käschtepunkt fir dëse Projet?

Déi provisoresch Gesamtausgabe belafen sech op 130.847,23 EUR. Nach net all Rechnung gouf réceptionnéiert. Dëse Chiffer enthält d'Formatiounskäschten, souwéi d'Ausgabe fir eng Sensibiliséierungs-Campagne.

Lëtzebuerg, de 24. Mäerz 2022

(s.) Georges ENGEL
Minister fir Aarbecht, Beschäftegung a fir Sozial-
a Solidarwirtschaft